

Londonski Samit za Zapadni Balkan 2018. Godine

Aneks

Zajednička deklaracija o nestalim osobama u okviru Berlinskog procesa

Mi, šefovi vlada zemalja učesnica u Berlinskom procesu, sastavši se u Londonu u okviru Konferencije za Zapadni Balkan,

Potvrđujući izuzetnu važnost pronalaženja osoba nestalih tokom sukoba na području bivše Jugoslavije i neophodnost istraživanja okolnosti njihovog nestanka i dovođenja počinitelja pred lice pravde, u nadi da bi to moglo donijeti smiraj porodicama nestalih i doprinijeti trajnom pomirenju, miru i stabilnosti

Uzimajući u obzir protokole, sporazume i mehanizme za saradnju između zemalja učesnica u Berlinskom procesu na koje se ovo pitanje odnosi, a u vezi saradnje u traganju za nestalim osobama,

Uzimajući u obzir Rezoluciju broj 71/201 o nestalim osoba koju je donijela Generalna skupština Ujedinjenih nacija u decembru 2016. godine

Podsjećajući na principe najboljih praksi koji su utvrđeni u Deklaraciji o ulozi države u rješavanju pitanja osoba nestalih uslijed oružanog sukoba i povreda ljudskih prava

Ističući značaj nediskriminatornog i nepristrasnog pristupa rješavanju svih slučajeva nestalih osoba na području bivše Jugoslavije, bez obzira na njihovu nacionalnu, etničku vjersku pripadnosti ili ulogu koju su imaliu toku sukoba iz 1990-ih

Pozdravljajući formiranje posebnih institucija, uspostavljanje pravnog okvira i izgradnju tehničkih kapaciteta u državama učesnicama u Berlinskom procesu na koje se ovo pitanje odnosi cilju traganja za nestalim osobama

Pozdravljajući značajna nastojanja i ostvareni, do danas neprevaziđeni napredak u pronalaženju više od 70 posto od oko 40.000 osoba nestalih uslijed sukoba na području bivše Jugoslavije iz 1990-ih

Uzimajući u obzir hitnu potrebu da sepojačaju napori na pronalaženju, odnosno identifikaciji preostalih oko 12.000 neriješenih slučajeva, naročito putem većeg regionalnog uključivanja i saradnje unutar i između učesnica u Berlinskom procesu na koje se odnosi ovo pitanje

Snažno pozdravljamo obavezu koju su preuzele učesnice u Berlinskom procesu na koje se ovo pitanje odnosi

- Da osiguraju nepristrasne i djelotvorne istrage slučajeva nestalih osoba u skladu s međunarodnim standardima ljudskih prava i da riješe što veći broj slučajeva nestalih osoba u narednih pet godina;

- da aktivno angažiraju sve domaće institucije koje su nadležne za pronalaženje, odnosno za identifikaciju nestalih osoba, ili koje su uključene u taj proces, kako bi se istražili svi mogući putevi dobivanja novih podataka o grobnicama, uključujući i obavezu osiguravanja odgovarajućih resursa za pretraživanje arhiva u potrazi za relevantnim informacijama, te dostavljanje tih podataka odgovarajućoj centralnoj instituciji;
- da za nadležnu centralnu instituciju iz svake od učesnica u Berlinskom procesu koja je odgovorna za traganje za nestalim osobama, odnosno za njihovu identifikaciju, osiguraju odgovarajuće kadrovske resurse i budžetska sredstva, za ispunjavanje njihovog mandata;
- da osiguraju aktivno učešće porodica nestalih u procesu traganja za nestalim, odnosno njihovog pronalaženja;
- da osiguraju da javnosti budu dostupne pouzdane i tačne informacije o postupku pronalaženja i identificiranja nestalih osoba;
- da se obavežu na dalji razvoj sudsko-medicinskih ustanova i da osiguraju kontinuiranu institucionalnu podršku i finansiranje u tu svrhu;
- da porodicama nestalih osiguraju ostvarivanje prava uključujući usklađivanje i potpunu primjenu domaćeg zakonodavstva u skladu s međunarodnim propisima i standardima;
- da na odgovarajući način odgovore potrebama porodica nestalih osoba;
- da se uzdrže od svake politizacije pitanja nestalih osoba.